

知諦如見便捨結亦度疑便不信不至誠便
慧智便意樂安隱六根亦如是說如是名爲
自守所說自守不自守如是佛說如是皆歡
喜受

佛說不自守意經

佛說滿願子經

失譯人名 今附東晉錄

聞如是一時佛遊摩鳩羅無種山中與大比
丘俱比丘五百爾時賢者邠耨瞋時從宴坐
起往詣佛所偏袒右肩右膝著地稽首足下

叉手白佛善哉世尊爲我且講要法我當奉
行令身長夜安隱無極佛言諦聽善思念之
邠耨應唯然世尊佛告邠耨目見好色可眼
之物所可愛樂貪欲之耳貪好聲鼻識好香
舌知美味身著細滑更樂可意愛於所欲慕
於貪求假使比丘欣樂然可心處其心中已
貪住則樂迷惑從是致患憂惱之感假使邠
耨比丘目見色者可眼之物不以歡樂心不
處中疾患則除耳鼻口身意亦復如是是爲
粗舉要法佛之教誨以誠勅汝今欲所遊邠

釋白佛唯然世尊有一國名首那和蘭

此言所聞

欲遊彼國佛言彼國克惡志懷麤獷不能
柔和喜鬪亂人假使彼國異心克人罵詈毀
辱當云何乎假使彼國異心惡人罵詈辱我
我當心念愛我敬我尚原赦我手不投我佛
言假使投汝當奈之何邪釋白曰當心念言
尚復愛我敬我賢善柔和不以瓦石而打擲
我佛言假使以瓦石打擲汝當奈之何邪釋
白曰其國人善仁和溫雅不以刀杖傷擊我
身佛言假使刀杖傷擊汝身當奈之何邪釋

白曰我當念言其國仁善柔和溫雅不利
刀害我身命佛言假使利刀害汝身命當奈
之何邪釋白曰我當心念言身有六情為之
所患戡身衆累不淨流出求刀為食志唯在
味入於寂然以刀為食佛言善哉邪釋汝能
堪任以是比像調順寂然忍辱仁賢處於彼
國隨意所欲於是邪釋即從座起稽首佛足
右繞三匝自詣其室即夜蓋藏床卧衣服明
旦著衣持鉢往詣彼國尋在其國於一夏中
教化勸立諸清信士凡五百人清信女五百

人興于寺舍五百屋室床榻五百及法坐具
被枕各各五百化五百人皆為沙門在於其
歲證三達尋滅度滅度未久諸比丘眾無央
數千往詣佛所稽首足下却在一面俱白佛
言有一比丘名曰邠耨佛為粗舉說其要法
今已滅度已來未久為何所獲得何證乎佛
言諸比丘彼族姓子已興三達證得六通諦
觀順法無與等者不與餘事唯講法典諸漏
已盡無復塵垢已度想念脫于智慧現在於
法極達諸通證具足於生死已斷稱譽梵行

所作已辦鮮名色本諸慧無上聖智具足已
得羅漢於時世尊莫不稱譽咨嗟無極邠耨
文陀尼子佛說如是比丘莫不歡喜

佛說滿願子經

轉法輪經

後漢安息國三藏法師安世高謹

聞如是一時佛在波羅柰國鹿野樹下坐時
有千比丘諸天神皆大會罽塞空中於是有
自然法輪飛來當佛前轉佛以手撫輪曰止